



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1689.

**urn:nbn:de:hbz:466:1-29436**

Mense Septembri peperit Petro Regi Lu-  
 staniæ nova conjunx *Maria Sophia Neobur-*  
*gensis* anno priori nupta filium summâ ejus  
 aulæ lætitiâ, quæ tamen, mortuo Principe,  
 brevi dierum periodo circumscripta fuit.

Demortuo Duci Venetorum Marco An-  
 tonio Justiniano summo omnium consensu  
 suffectus fuit Franciscus Morosinus sum-  
 mus classis Venetæ Præfectus, non permit-  
 tente votorum dissidia tantâ virtutum fa-  
 mâ, quibus orbem impleverat Morosinus  
 Plus laborandum fuit apud Ubios in con-  
 ciliandis suffragiis pro substituendo suc-  
 cessore defuncto Electori, & Archiepiscopo  
 Coloniensi Henrico Maximiliano, conten-  
 dentibus pro Infula duobus Candidatis val-  
 de potentibus : neglecta tandem designa-  
 tione, & postulatione Coadjutoris Principis  
 Fürstenbergii, fasces via electionis delati Jo-  
 sepho Clementi Duci Bavarix, adnitente  
 Cæsare, & approbante Pontifice.

AN N U S 1689.

**O**bit hoc anno summo orbis Christiani  
 huctu Romæ *Innocentius XI.* Pont. max.  
 annorum 78. optimorum Ecclesiæ Catho-  
 licæ Principum nulli secundus, seu morum  
 pietate & innocentia, seu constanti, & invi-

sto Ecclesiasticæ disciplinæ zelo, seu denique, quod rarum est, rerum omnium sæcularium contemptu, quo Pontificatûs opibus non solum abstinuit, sed & suos affines & consanguineos voluit temperare, nullis unquam precibus eò se adduci passus, ut otiosas dignitates & officia eis concederet, belli adversus infideles ferventissimus promotor Ecclesiæ opes fœderatis adversus eos Principibus profunderè non destitit, donec vixit. Unde attributæ non tam bellantium virtuti, quàm Innocentii liberalitatis & precum merito tot victoriæ, quibus Christiani Barbaros ejus tempore domuerunt. Innocentio Cardinalium votis suffectus est in summo Pontificatu Petrus Ottobonus, qui Alexandri VIII. nomen assumpsit.

Ibidem obiit mense Aprili Christina Alexandra Suecorum Regina annorum 63, quæ rarissimo exemplo cõpertâ vi proprii ingenii, & acristudio sectæ suæ Luthericæ vanitate, ut Catholicam, quam amplectebatur, fidem tutò & libere profiteri posset, abdicatione Regno Romam contendit, & ibi per plures annos inculpatis moribus imò inter religiosissimæ pietatis exercitamenta omnia, quæ Principem mulierem decent, consensu-  
 Eius H. 7. it. Sepul-

it. Sepulta fuit in Basilica D. Petri Vaticani, in qua præter Pontifices nullus tumulatur, solis duabus virginibus concessio privilegio, quarum una Mathildis regnum, Christina hæc altera Reginam Ecclesiæ donavit.

Rex Jacobus fugitivus ex Anglia in Gallia à Rege Ludovico omni comitatus officio excipitur. Ejusdem Ludovici munificentia Regium S. Germani propè Parisios palatium cum Regio Prætorianorum & Officialium apparatu habitandum accipit, omnibus ærarii regii expensis usus, dum in Gallia vixerit, meliorve rebus turbatis fors arriserit. Cujus spe mense Aprili classe Gallicâ appulsus in Hybernia Londonderræ, quæ tenebatur præsidio Wilhelmiano, obsidionem admovet, quam tamen postea, illatis urbi subsidiis, iterum solvere cogitur. Arx insuper Edimbürgi, quam hætenus nomine Jacobi fortiter propugnârat Gordonus, cessit in potestatem hostium.

Regno interim Anglico velut derelicto potitus Princeps Wilhelmus grandi Heterodoxorum plausu excipitur Londini, ibidemque mense Aprili cum Maria conjugè solenni ritu regiis insignibus inauguratur.

Ejus in partes transeunt potentissimi quique  
Europæ Principes, quibus omnibus à Rege  
Christianissimo bellum indicitur.

Ludovicus Badensis in Servia castra Tur-  
carum, etsi centum & amplius tormentis  
bellicis munita vi expugnat, & per interne-  
cinam hostium cladem iis cum omnibus ex-  
ercitus impedimentis & opibus potitur.  
Barbarorum reliquæ delentur sub muris  
Nissæ, quo se receperant, Nissæque nullo  
obsistente capitur. Relectum inde iter cum  
parte copiarum versus Danubium, ubi pro-  
fligatis rursus Turcis, & dissipatis navigiis  
hostilibus expugnatur Widinum. Pars re-  
liqua exercitus progressa est in interiora Al-  
bania, penetratura ad Oceanum usque, nisi  
insolentiùs agendo animos incolarum irri-  
tasset, à quibus proinde malè habitata, & cla-  
de non levi attrita didicit rursus vinci.

Exeunte Majo & ineunte Junio caput ar-  
dere Rhenus. Abiére in cineres Spira, Wor-  
matia, Franckendalium, Oppenheimium,  
Binga, Baccaracum, Badena, Pfortzheimium,  
Erlinga, aliæque urbes complures celeberr-  
imæ, quas omnes Mars Gallicus flammis  
consecravit.

Moguntia, urbs ad Rhenum nobilissima

-132-

arte

arte omni & validissimo præsidio à Gallis munita mense Julio à Carolo Duce Lotharingiæ, summo fœderati exercitûs Præfecto obsideretur & post duorum ferè mensium obsidionem acerrimam deditioe capitur 8 Septembris. Vix alicubi hætenus majoribus animis aut pugnari aut repugnari visum fuit. Gallorum sex millia (totidem ad minimû inter obsidionis labores perierunt) deditioe pactis urbe excessere.

Ejusdem Ducis virtuti invictæ cessit paulò post Bonna, quæ per æstatem à copiis brandeburgicis globis spherisque ignivomis vastari quidem, expugnari tamen non poterat.

Hoc anno constituta est pax inter Sineses & Moschos in urbe Nipehou Tartariæ Orientalis propè Sinensis Imperii fines operâ duorum PP. è Soc. Jesu, Thomæ Pereira Lusitani, & Joannis Francisci Gerbillonii Galli, quos legationi suæ solenni ad locum congressus addiderat Imperator Sinarum. Comitatus legationis Sinicæ fuit hominum octo aut novem millium, in quibus tria millia militum. Mandarinum, id est Magistratibus præcipuis conspicui, 150. equi supra 12000. Camelorum 3000. tormenta bellica 50. Ita  
P. Ger-

P. Gerbillonius in litteris 2, & 3. Septembr.  
ex urbe Nepchou ad P. Franciscum de la  
Chaise.

## ANNUS 1690.

Romæ solenni ritu Sanctorum catalogo  
annumerati ab Alexandro VIII. Lauren-  
tius Justinianus Venetiarum primus Patri-  
archa, Joannes à S. Facundo Augustinianus,  
Joannes Capistranus, & Pasqualis Baylon  
Franciscani, & Joannes de Deo Fratrum Xe-  
nodochiis inservientium Fundator.

Augustæ Vindelicorum *Iosephus Leopoldi*  
primogenitus à concordi Electorum Col-  
legio renuntiatur Rex Romanorum, Regi-  
isque insignibus inauguratur cum incredi-  
bili pompa, & populorum plausu die 26  
mensis Januarii. Ibidem paulò post solenni  
inauguratione insignita est dignitate Augu-  
stali *Eleonora Magdalena Theresia Augustis-  
simi Leopoldi* augusta conjunx.

Ad initium Aprilis post obsidionem ferè  
annuam laxiorem fame tandem adacta Col-  
lum submitit Cæsari Canisa, invicti roboris  
in Hungaria inferiore munimentum.

Mense eodem *Welitzii* propè Linzium  
morte prostratus obiit Mars Austriacus *Ca-  
rolus V.* Dux Lotharingiæ, summus Cæsaris

Arch-